

FA'AALIGA MO MĀTUA MA TAUSI FĀNAU

Mo mātua ma tausī fānau

E momoli atu le fa'afetai tele mo la 'outou galuega lagolago i nai vaiaso ua tuana'i, a'o feagai ai fānau ma a'oa'oga fetu'una'i i totonu o 'aiga.

E tusa ai ma fautuaga mai le Pule Sili o le Ofisa o le Soifua Malōlōina, o lea ua fautuaina ai e le faigā malō a Vitolia a'oga uma, ina ia 'amata ona fa'agāsolo le toe fo'i atu o tamaiti mo a'oga i totonu o falea'oga.

Mo le **vaega muamua** la o lea fuafuaga, o le a toe fo'i atu ai tamaiti o Vasega 'Amata, Vasega 1 ma le 2, tamaiti matutua (Vasega 11 ma le 12 VCAL ma VCE) fa'atasi ai ma tamaiti uma o a'oga fa'apitoa. O i latou 'uma nei, o le a toe fo'i atu i falea'oga i le Aso Lua, aso 26 o Me.

O tamaiti o Vasega 10 o lo'o 'ave mata'upu o le VCE, e aofia ai ma mata'upu o le VCE VET, e tatau ona 'auai atu i a'oga i le taimi o vasega nei, pe a talafeagai ai. Afai e lē talafeagai lea tūlaga ma lou/ou alo, o le a taumafai faia'oga ina ia maua atu meaa'oga o lo'o fa'aaoga ma maua e tamaiti o lo'o i a'o'oga i totonu o falea'oga, auā o outou alo.

Mo le lagolagoina o le 'aufaigaluega ina ia faigofie ona fa'ataunu'u lenei la'asaga, o le a lē fa'atagaina tamaiti i falea'oga i le Aso Gafua 25 o Me.

Mo le **vaega lona lua** o le toe fo'i atu o tamaiti i falea'oga, o le a fo'i atu ai isi vasega uma i le Aso Lua aso 9 o luni.

Mo tamaiti e lē o mafai ona i lalo o se va'ava'aiga malu i le fale 'atoa ai ma tamaiti e lē o mautinoa le malu puipuia o le saogalemū, o le a fa'aauuina pea le tūlaga mo a'oga i le falea'oga mo vaiaso e lua, mai le Aso Lua, aso 26 o Me se'ia o'o i le Aso Lua aso 9 o luni. O le tu'utu'uga fo'i o lo'o mafai ai e mātua ma tausī fānau ona fa'ailoa mai aso po'o vaega o aso e mana'omia ai le 'auai o tamaiti i le a'oga, o le a fa'aauu lava lea tūlaga mo le lua vaiaso lea.

O tamaiti uma i vasega ma vaega uma nei, o le a fa'aauu pea le a'o'oga mai i le fale se'ia o'o i le Aso Lua, aso 9 o luni.

A toe fo'i loa se vaega po'o se tausaga i le a'oga, ua tatau loa ona toe fo'i uma tamaiti o lea tausaga i le a'oga e pei ona masani ai. O lona uiga, afai e te finagalo lava oe e taofi lau fānau i le fale, ae ua toe fo'i la latou vaega po'o le latou tausaga i le a'oga, o le a lē toe mafai loa ona matou fesoasoani atu mo a latou a'oa'oga i le fale.

E le o a'afia ai tamaiti o lo'o mana'omia e nonofo i le fale ona o tūlaga o ma'i o le tino po'o ni mafua'aga tau le soifua malōlōina. Fa'amolemole 'aiga o tamaiti nei, e fa'afeso'ota'i mai matou ina ia mafai ona faia se isi fuafuaga talafeagai.

O lenei fa'amoemoe o lo'o faia ma fa'atinoina e a'oga uma lava i totonu o Vitolia.

Mo le malu puipuia ma le saogalemū o le soifua o tamaiti a'oga ma le 'aufaigaluega, o le a fa'aauu pea le fa'amamāina o a'oga ma le tausīa o le tumamā, ia fa'amalosia pea le fafano so'o ma fufulu mamā o lima.

Afai e ma'i lou alo pe o fa'alogoina le tino ma'i, e tatau lava ona 'aua ne'i alu i le a'oga. E tatau ona nofo lelei i le fale ma va'ai se foma'i.

E ui lava ina ua fautuaina e le Pule Sili o le Ofisa o Soifua Malōlōina, e lē toe fa'atāuaina le fa'amamao o vā o tamaiti i le a'oga, o le a tulimata'i pea ni nai suiga tāua i le fa'agāsologa o fuafuaga ma polokalame fai a le a'oga, e usita'ia ai fautuaga mo a'oga uma, lea o lo'o maua i i <https://www.education.vic.gov.au/about/department/Pages/coronavirus.aspx>

O le a fa'aauau pea la lea tūlaga se'ia toe maua mai se isi fa'aaliga. O le a toe logo atu nisi fa'amatalaga e uiga i la tatou a'oga i se taimi vave e talafeagai ai, ae e tāua tele lou silafia, o le a ai ni nai suiga e pei 'ona ta'ua i lalo:

- toe fetu'una'i ma suia fuafuaga mo le momoliina mai ma le pikiina o tamaiti, e aofia ai ma le 'ese'ese o taimi 'amata ma taimi tū'ua;
- fa'atapula'a le ulufale ma le 'auai mai i le a'oga o isi tagata, e 'ese mai 'aiga vāvā lalata, tagata faigaluega ma tamaiti a'oga;
- fuafuaga mo le fa'ataunu'uina o fa'atalatalanoaga ma fonotaga a faia'oga ma mātua

Matou te iloa e i ai nisi o 'aiga o lo'o popole i le toe fo'i atu o tamaiti i totonu o potu a'oga mo a'oa'oga. Ou te ta'utino atu ma le mautinoa, o lenei filifiliga na fa'avae mai i fautuaga sili ona talitonuina o lo'o mafai ona maua mo le soifua manuia.

O lo'o i ai nisi fa'amatalaga e uiga i le toe fo'i atu o tamaiti i a'oga ma le fa'ama'i o le korona vilusi (COVID-19), o lo'o maua i le 'upega tafa'ilagi a le Matāgaluega, lea o lo'o fa'aauau pea ona fa'aopopo i ai fa'amatalaga fou, tonu ma le sa'o i taimi e maua ai nei fa'amatalaga:

<https://www.education.vic.gov.au/about/department/Pages/coronavirus.aspx>

Fa'afetai tele mo la 'outou lagolago faifai pea, malō fo'i le o'nosa'i a'o feagai ai tatou ma fa'afitauli o lenei vaitaimi.

Matou te fiafia tele e toe fa'afeloa'i atu i nai alo ma fanau a'oga, i lo latou toe taliu mai ai mo a'oa'oga i totonu o potu a'oga.